



行狀

嘉議大夫貴州按察司按察使白野陳公

行狀

中憲大夫河南按察司副使配吾王公行

狀

奉議大夫左春坊左庶子兼翰林院侍讀

馮孝子源明先生行狀

內鄉邑丞晴峰華公暨配喻孺人副室李

寧澹齋全集

卷七

一

孺人行狀

勅封文林郎江西贛縣知縣叔氏觀山府

君行狀

勅封儒林郎翰林院修撰先考見洲府君

行略

勅封安人先妣蔡氏行述

傳

已侯策齋劉公名宦傳

南崖老人翁傳





醇懿先生虛溪姚公誄

空齋齋而全集

卷七目



二

寧澹齋全集卷之七

句章楊守勳克之甫著

行狀

嘉議大夫貴州按察司按察使白野陳公

行狀

余里居八載隨白野陳公杖履後一言一動稟  
爲法程今春將屆途北上值公養痾下捷不揖  
客者已數月遂弗及奉顏色聆緒論以行悒悒  
者久之詎意居無何而以訃聞也天不憖遺奪

寧澹齋全集

卷之七

一

我黃髮悲哉至是公嗣子允揚等仵來持厥甥  
趙明府昌期述公行事而丐余爲之狀嗚呼余  
烏忍狀公公諱願正字觀甫世受陳姓別號白  
野起家進士一再爲縣令稍遷大理平出守南  
雄擢滇南臬副尋脩兵貴竹累功進叅知加按  
察使致仕陳之先有幽遠者特以高義聞七傳  
而爲存耕翁某某生尚書兵部郎斬水簿公某  
某生廣西叅政公懋義是爲公父娶桂太恭人  
叅知公成進士之明年爲南水部龍江署中夢



神奉黃衣童授太恭人者詰旦公生而韶令七  
歲就外傳強記日數百言學士姚明山公過訪  
公出揖輒手摩其牙牌命念四子書皆成誦學  
士竒之曰此千里駒也東峪王公就趙大司馬  
相攸以女字公是爲王恭人每依叅知公官兩  
粵歸老時公年十四偕同學從父憲副海渠公  
補博士弟子員應已酉鄉試以內艱歸與邑知  
名士馮方伯葉明府王孝廉結社卒業辛酉偕  
計上春官遂登進士第出知金壇縣縣多貴仕

寧澹齋全集

卷之七

二

能以其重撼令豪奴白晝攫金侵掠人土地公  
首戢之犯卽傳汰毋少借而居身廉科歛平汰  
橫役裁耗例恤誑誤創豪喜訟者邑爲歌舞課  
邑弟子拔其尤亟獎掖就成之如王公宥堂堯  
封于公文熙明照潘公槐馮公體乾後先高第  
去秩行滿忽流賊入邑亾所藏金民愛其父母  
競輦輸如倪內史故事而邑賁人方側目公遂  
中柱後惠文法量移上蔡蔡俗務闕猥時鳴鏑  
驟馬殺越人于貨公殲其魁嚴保甲申要東道

路以安溝鎮地多沃衍民假繕城埴爲名侵二千畝許公廉得狀奪還官歲輸金以千計爲廟祀牽餼靡屨資省縣官鉅萬遷大理評事先是司封駁者慮持法之不咸寧骹骸以徇公廩廩三尺辟則辟衷則衷所不與法比者駁亾數

今上初載江陵攝政務束濕多置私人金吾緹騎間引繩批根獲妖人王之竒爲幻術貯水照人種種傾都愚民妄立爵號誣服以不軌邀陞賞首從八十餘人俱論立磔市公吁駭曰律稱

年澹齋全集

卷之七

三

不軌謂謀危社稷耳妄一男子左道煽惑法當灰而若蚩蚩者何再四駁之小司寇執強無已以白政府江陵雅知公峭直正色曰大理是評駁之司部擬未當煩駁何嫌刑曹乃改之竒等三人爲首坐灰餘並從遣杖有差天下稱平歷寺副正滿考遷南雄守雄固咽喉楚粵凌江上游設權閼前守多比胥作姦公力行清刷令輸稅于府親爲衡較封題轉納公身益白所儲盛戒備設保甲建麗譙分籌徹夜道不拾遺歲大



澆齒民田數千百畝虧賦額甚公請以梁稅之  
羨足之遠邇擊穎時大征羅旁徵募驛騷公虞  
叢菁路襍氓越境罔知或投虎口藉盜糧上計  
督府請改輸銀募近民遞運給軍乞特以凶患  
歲庚辰大弊群吏臺使者交章推轂 上錄公  
卓異轉雲南按察司副使分巡安普署在會城  
沐國之所彈治僕御闡出爲姦利凶誰何公正  
身率屬一切以法繩之莫敢譁丁外艱去服闋  
補貴州威清道兵備威清入滇孔道百粵西隣

茂篁縣棧間酋長多黠猾難治滇臺檄公協捕  
叛酋繼榮公諜知榮與土舍隆串密乃飭師旅  
授方畧令丁守備維文劉知州承範同土官隆  
內外夾擊陪之俘送滇南督府舒公嗟異疏薦  
有紆籌以平鄰寇而讓功不居語魯溝當滇粵  
交粵酋岑氏世雄其地椎埋爲虐患苦商旅督  
府蕭欲勦之公謂此夷獠故習可不煩兵而定  
乃親行部遣檄宣諭 國威貢以大義岑悟輒  
縛戎首伏法剗兩營分兵防禦官爲權稅有掠

者械繫以聞其勝算多若此沙酋與斬酋構借  
兵安國亨報聞洵洵公曰何事乃爾辦此只數  
日事密遣灞陽鄒守脩安順禡知州發賈淑洞  
夷兵遮殺捷聞兩院虞挑釁大駭公卽移文國  
亨本官世受 國恩何至貸兵仇殺自扞文罔  
此必種落納賄弄兵具以狀來安氏素驍勇爲  
諸酋冠忽創官兵大慚省檄語開端委罪卽對  
使頌頌謝而逮一二長官請命二酋聞之膽落  
矣蓋公控制諸夷奉揚 皇靈寔身以羔羊五

純之節至鎮斥諸司餽遺安民奉八百金爲壽  
公扶其使加誚讓焉迨然明之儔乎故寬之則  
釐面承恩威之則弭耳伏罪安順本置軍衛已  
改州因仍以武弁主 文廟祀州大夫從奉璋  
爾公曰生平誦說謂何詎可覩顏韎韜後移文  
學使者以州正主祀事得請于 朝而諸生賦  
所不習會秋中行賀 萬壽禮未竣大譁公怒  
移文學憲盡停諸生廩卽切責諸弁之鼓衆者  
約束行戶一切以州大夫爲政乃大定滿考進



布政司叅政移守新鎮飭史治緩征徭詰戎獄  
益又精審所轄平越關箱道有腰創橫尸公大  
索賊不得夢謁玄帝高真觀有訴寃人青衣而  
藍其緣帝命四將押發公前覺而心動晨朝居  
民徐文煜認尸其弟諸生文炤公爲鞠孤女云  
父以喪母再聘同煜稱責于楊而煜以腹疾先  
歸父遂遇賊因問服飾云何女對與夢協公大  
驚異卽問煜治業云何有仇隙不女云伯以治  
蓋爲生與父不相能日前爭產持刀相逐公瞿

然曰得之矣卽命尉取煜治蓋刀發麻哈州驗  
尸創大小與刃合一訊而服隨繫獄中衢路稱  
快公自庚辰迄辛卯十年宦蹟多在西南夜郎  
六詔之區戶有尸祝建牙授鉞物望咸歸而耿  
介自守卽同籍同里諸公若袁少傳輩或在政  
府或在銓臺未嘗以片楮相干至相望以久不  
聞問故聲績孔彰而仕宦不達如此播酋楊應  
龍兵起兩臺欲投重于公而因王恭人嬰疾得

齋捧歸御史大夫摘公避咎論調明年大計吏

部疏公才守優年力邁進官總憲特予致仕公  
時財六十有二耳歸而琴鶴蕭然檢橐裝不能  
構廳事九載僅完一堂會王恭人病歿遂授諸  
子家乘而爲采真遊先是喪叅知公謹矜襄事  
卜地姜湖之濱獅山之麓斥墓田治菴舍計爲  
可久懸車後卜兆先塋左度庵而北嵌崑小築  
數楹而軒其右引水叠石莢果蒔花借仲氏宗  
戚諸老暨方外名德游息其中皇覽之辰每念  
劬勞不欲爲樂先期入山浹旬乃返居里黨恂

寧澹齋全集

卷之七

七

恂雅不以先輩自處後生有所造請倒屣迎門  
僂僂循牆耄期罔勑生平寡嗜慾食飲不過卮  
酒豆肉而速客備極鮮腍或遇酒人嚴觴政馱  
馱夜判不休家食二十年領裒諸簪紱而恥爲  
周容長吏有苛政父老聚族來請趣駕往而正  
其過所居無負郭田無鮮衣僕而嚴戟子姓母  
爲人居間雖驚害者不能伺公郗而中之其自  
贊云無它腸無逆履服官三十年不知有身居  
鄉二十載未嘗有已載籍墳典供吾求青山白



雲爲吾侶其清標亮節直道坦衷具可想見殆  
尚古之遺哉他若葺家廟增祀田贖還董舉祖  
隴可謂善繼夢憲副公乘大編示一卷曰千里  
風颿一鏡懸碧山風物尚依然公應聲曰鳴雀  
已看相唱和江天還復起飛鳶固公之精神所  
通亦徵後人鵠起矣公薨少餐老來稍進魚肉  
病瘵後加七箸而不知大期至矣甲寅二月中  
夢遊仙林老人相送至百歲橋而別覺猶聞蘭  
蒨香翌日劄憲副念庭公來命治具娓娓談說

宰澹齋全集

卷之七

八

生平已令孫曾羅拜一若訣別者月晦召諸子  
孫鱗立撫膺笑曰誰似我兒孫滿前者亦復何  
恨遂不語不食浹旬而逝時維甲寅三月九日  
距生嘉靖辛卯五月廿二日得壽八十四恭人  
王先公十六年卒別有誌生子四名暘允玉諸  
生允相諸生允斗女一適比部郎馮公若舒孫  
男十承恩承德承爵諸生承胤承宣承休承祚  
承祐承禩孫女一曾孫四曾孫女一婚嫁聘字  
具詳述中暘等將以冬杪合葬公于獅山之原

乞鉅公爲志壙石而余狀之如右太史氏曰余  
讀海洲陳先生誌傳蓋勛業爛然藩臬間矣及  
閱羅念菴論著沈叅戎柳慶事其計撫劉盧二  
酋策誠竒顧念非先生不足辦此先生受計叅  
戎率數老弱直入虜營開使悔罪二酋踴躍受  
命不煩一矢遂安武緣向微先生縱叅戎善策  
虜誰爲射聊城者柳慶且多事矣試以校白野  
公始檄岑氏旣感安奴省國家軍興凡幾前後  
若合符節豈不偉哉然先生竟爲忌者所掩而  
寧澹齋全集

卷之七

九

公亦絕口不言功不矜不伐固其家法歟至若  
勇退急流養高洛社閨門著雍睦之風燕居無  
媒褻之色嚙齒不言人過而吹揚小善維恐不  
及其於表正閭里洵仲弓之於元方也故嘗綜  
公生平論之承家則孝子服官則貞臣居鄉則  
長者子姓烝烝具若于庭訓則有先之者矣不  
腆脩詞容或挂漏唯立言君子采擇之

中憲大夫河南按察司副使配吾王公行

狀



蓋余嚮慕臨邑憲副配吾王公而不及見其人  
公第吏部君與余同舉進士每娓娓述公治行  
余竊心儀之及道其考終時有懷瞻怙痛隕不  
自勝竟成歿孝爲歎歎哀其志至是復持所爲  
行畧謁余狀以介乞銘垂不朽謹詮次如左惟  
名公采擇焉公諱浩字克伯別號配吾居臨邑  
以學博士累封中憲大夫今祀鄉賢諱三遷翁  
之伯子也其先勝國時名盛者以武功顯爲十  
道馬步督八傳自萊陽徙臨又三傳爲倫倫生

牟澹齋全集

卷之七

十一

世禮皆隱君子世禮生賃績學餼于庠爲公大  
父不幸蚤世大母劉苦節四十餘年公隨封翁  
後事大母甚謹幼穎敏過人六七歲時封翁方  
受徒講易執問環立辨析無隱公侍聽輒了大  
義一似天啟以是鍾封公心出輒携之一日道  
經陽丘以袒裼戲懸壁間夜不及收居停主晨  
起驚曰儼夢中金帶也子必顯居恒讀書喜踞  
坐忽楹宇晝傾封翁倉皇覓所在則兀然息樹  
下不爲動竟莫識所從出蓋有呵護者云贈恭

人母于疾革密爲文禱城隍廟祝逆謂公徹叢  
而算益而母乎神已語我於夢數定矣勉旃善  
愛其誠動鬼神類若此舞勺試有司下筆作  
驚人語時髦爲避舍及補弟子員學日富試必  
壓卷逾冠上辛卯鄉薦乙未登進士第視政禮  
部奉告歸里出必徒行如諸生時邑太夫致騶  
從卻不受禮爲人子三賜不及車馬公其用是  
道與歲丁酉授戶部陝西司主事故事司徒郎  
不事事者使管壩倉倉出入要會無闕盈詘官

吏取具員耳才若公而司若事或爲公少之公  
曰壩卽不能佐度支一籌安見涓流蟻垤無裨  
溟岱也而屑越視乎務泮策釐剔至今著爲令  
歲餘督餉易州易無土著市井鱗次皆從外徒  
似爲亾叛淵藪帶甲二十萬其資糧少殺於巖  
塞給恒後期且不及格及入又不足奉豪家子  
毋息行伍多譁公調停振發以均以期且時庭  
召而慰撫之士懽忭若宿飽乃條上便宜八事  
曰核尺籍之假冒嚴債帥之剝脂澄操演之賞



格畫秋班之糧額酌民屯之兌支衡收糶之規  
例經兩運之循環弛米商之苛禁種種當上

意見施行署部少司農楊公語諸大夫曰玉君  
真社稷材也已亥晉本司員外郎明年晉河南  
司郎中又明年以單恩詔實授加封封翁如  
公官會差滿考稱職回領司篆得偵猾胥十二  
人置之法衙蠹爲股弁奉約束中官衙命挾

索額外金寶十數萬莫能制公毅然曰錙銖皆  
軍國需守藏吏罔敢私方今宣大脫巾已事凜

寧澹齋全集

卷之七

十三

凜萬一島夷烏獸伏者貽我啓疆憂奚堪此尾  
閭洩乎貴人還奏上知王郎中不可事亦寢

壬寅補潞安知府至則和易率真可親而不可  
犯其治一取綏百姓自御惟一弋緝衾裯敝不

時更也約已率屬罔片紙抵牾袖間吏苟廉卽  
懣忤必容之或稍以賄敗斥去不少貸尚衣中

謁者悉索幣賦徃徃以愆期不中程激上怒

寔濟其婪重者逮詔獄否亦鐫級自是剝削不

遺尺幅繅人多竄匿公爲寬其直假以時監工

日號度絮以手謁者無所容窺伺 藩祿苦不  
支逋且十餘歲公惻然閱之嚴懲惰窳吏下令  
屬邑毋得迂緩視不率間署下考隣封則以手  
札婉促之及格乃已有麗大辟者爰書已具忽  
心動輒疑之首揭告直指開其寃時吏部君適  
在邸以自爲出入詰公公曰幾爲令招所誤幸  
得平反敢以人命護我短耶先師廟將圯且址  
迂直於形家不利公撤新之崇軒翼翼煥然改  
觀群八卦之士月有試親第甲乙示知嚮往人

寧澹齋全集

卷之七

十三

文蹶起幾半賢書守潞四載禱雨兩應禱晴晴  
應及入覲士民遮道扳留車爲軹父老千餘作  
兒啼追送百里外公亦褰帷雪涕不忍去蓋公  
敬信節愛靖共正直悉虛中而時出之是以天  
人嚮荅上下孚獲則誠一之致也丁未擢河南  
按察司副使備兵磁州公清明播人耳目不免  
爲深刻者所忌先公代庖者事多不便民道役  
百餘至枵腹而服于官公手批訴牘立復其糶  
雖受憾勿恤是歲冬封翁訃倏至卽日就道躋



踊哀慟絕而復甦三年足不踰閭偕弟輩日三  
上食撫膺號泣至繼以血爰以寒月居苦塊得  
疾旣襄大事遽不起公天性和易與人無疾言  
遽色而識力凝定處則萬夫不奪事封翁色養  
篤摯甘脆務極水陸卽廁踰敞非手澣綴不以  
上遇少疾痛藥餌必親嘗乃進晝屏客侍不離  
頃刻夜視唾息至漏不一解衣烏在官數月不  
膝下輒孺子泣眠食爲損至表劉大母節請于  
朝有詔旌其門事繼母封恭人馮如其贈母

于皆純孝不易及業以脩之家者揚于 天子  
之庭海內仰公風裁駸駸嚮用未已而卒以封  
翁背棄弗及視含殮不能遣之于懷遂從游於  
泉下傷哉然公寔有弟吏部君爲生孝而以子  
昌祚付託之令課督繼志以究未盡之業公雖  
歿猶生矣公卒萬曆壬子年十月初九日距生  
嘉靖甲子年二月廿三日享年四十有九擇今  
乙卯年十一月十二日同元配贈恭人藺繼配  
封恭人劉祔葬于封中憲翁墓側子一卽昌祚

劉恭人出余不文無能狀公感公孝不忍辭至  
倬颺休懿與雲漢並重則有操椽筆者在此

奉議大夫左春坊左庶子兼翰林院侍讀  
馮孝子源明先生行狀

源明馮先生出入石渠天祿凡二十餘載以久  
侍講讀爲皇太子所敬禮蓋卷阿之頌引翼  
必先孝德而東萊氏謂人主常與慈祥篤實之  
士處所以興起善心培養德性有不在言語之  
間者先生固篤孝君子其見重有以也自春

寧澹齋全集

卷之七

十五

宮輟講而後先生亦引疾侍太夫人養承懼貞  
壽備極深摯益隱然係朝野之望乃太夫人

棄栢棗甫闋暮而先生以哀毀殞矣悲夫至是  
次君爾攸將丐名公志其墓而持行畧泣請余

狀余與先生姻且屬後進稔先生孝行寔悉卽  
不文烏敢辭按先生諱有經字正子因母孕時

夢一老授以童孩口稱此正人爲節婦子蓋爲  
公貴徵而又爲封太宜人冰蘖兆矣系出四明  
故號源明云馮爲明慈鉅宗纓綬如織永樂間



唐禮部尚書叔和之後給事公吉亨者徙居顏  
澍四傳至時桂克彰世德嘗賓鄉飲生東明公  
讚中嘉靖甲子順天榜累贈至諭德是爲先生  
父先是東明公之京求錦衣籍得廩都岸銳意  
追先進之軌時吾慈顏侍御冲宇公方爲大行  
從之講明性道初贅沈氏蚤世今贈互人繼劉  
累贈太互人實生先生甫週贈公偶展易輒  
能指易作咿唔狀公卽以易占之吉上林劉君  
稱公內兄喜談星曆時言甥當賢且貴慮其蚤

寧澹齋全集

卷之七

其

孤五歲果失怙先生環尸晝夜悲號見太互人  
痛絕仆地疾呼外大母抹甦然後敢哭若是數  
四一藐孤克從直墨帛者異之明年就傳卽上  
林君以舅爲師稍寬檢押然未嘗嬉戲開卷篤  
好一日忽似有物玩弄袖中者上林以爲戲索  
之則私創制義也三年上林避席去且使贊葉  
師與少宰韓敬堂公子共事韓見公應對敏捷  
顧其子曰此非而友而師也每有 上賜嘗啖

公公受而不食必以餉太互人其穎考叔之孝

乎癸酉商學使燕洋公大爲賞識采芹順天庠師竒先生特試以幼而無父題公得題念其先人蘇蘇隕泣文成庠師歎美之贈以貲錙太宐人性方嚴無纖鉅一以規範操之若虞銜勒之泛是以先生師事太宐人羨孺見之矣於時前輩葵陽黃公養醇朱公今輔臣中涵方公數先生俱後先成忘年交其與諸友訂會文之約各爲饋饌先生馱念太宐人徹午夜以佑讀寸管尺幅動出針鋒不忍以具膳煩母慈携盂粥以

給永日不言餒人稱先生念熊丸并忘食斷齏矣甫冠抗顏爲人師多士景附適有尊人當路者願爲啟居間之寶以代三釜先生正色拒之館穀入悉奉爲養至購書無貲假得善本必焚膏手錄以是日新富有名益起雖同學少年並聯第入詞林而獨困逢掖乎初無愠色徐曰父業未竟母節未彰孤之咎也李翁守槐雅器之因以女女焉李宜人善事姑得其驩故公得一

志理業應余某公聘至霸上作焚舟計乙酉中



順天式同榜詩暨浙榜挺元學皆同宗而公獨  
少人艷其家學云己丑成進士出南充陳某公  
之門讀中秘書卽師韓少宰良邁也辛卯授編  
脩教內書堂徃中貴有以精鏐輪奐之美爲餌  
者先生長慮屏遠之記注 起居同修 國史  
實錄一軌于信曰是烏可以欺天下萬世也天  
下萬世不可欺可欺吾心乎癸巳得請奉母歸  
慈上曾王父墓至丹陽李宐人逝先生哭之哀  
又念太宐人失侍徬徨累月媒妁以蓼莪至情

寧澹齋全集

卷之七

十八

欲爲締姻四明大老閉目謝去竟續陸文學懷  
渠君女性閑靜潔滄灑且能均愛勞太宐人色  
喜甲午還都尋以編脩初考取次封陸孺人乙  
未分校春闈得雋張其廉輩二十五人丁酉主  
湖廣試戀戀膝下強之而後可廼身發而心縈  
之夢爲呻嚶入棘多方矢公簡士得解首熊公  
廷弼于遺卷中楚材旣呈請揚太宐人節 詔  
建棹楔表厥宅里之東勗祠坊內聯有式昭親  
節思報 皇恩之句觀者知其忠孝矣戊戌轉

右春坊右中允庚子克

東宮講讀舊制講官

進拜 皇太子爲起一日偶不爲禮公直奏之  
皇太子納焉每值講期間馮先生及給假南  
旋又詢其至期銓部因檄使就道時葬事方竣  
哀瘡甚沿途具疏請畢三年喪 上不允壬寅  
就列初先生之給假扶輿也贈公歿已三十餘  
年朽不勝緋於是更木新衣起視公如生額猶  
汗液也先生一慟而仆血漬其面及至慈哀經  
治莽號躡如初喪酸風動梓里太宜人每歎贈

宰澹齋全集

卷之七

十九

公無肖像先生入仕輒覓善工一圖而清姿儼  
然親炙顏面于柩槨之間果與像類真哀慕之  
感哉昔初假喪李宜人已再假又喪陸儒人于  
彭城因聘劉宜人爲繼室定省中饋猶恣其爲  
亾李與陸也癸卯陞諭德乙巳轉左掌司經局  
事丙午七月主試應天副欲擇吉先生曰王事  
也兼程而進疽發于背力疾抵龍江忍楚入闈  
矢公如丁酉而知名之士倍之至今兩榜士

臚傳建禮大物禹來皆公所造也丁未轉左庶



子兼侍讀是秋率子婦上太宜人六十壽羅膝舞珥懽然樂也弟隱隱欵獻爲不及贈公爾時先生需次當典武試力辭之戊申推國子祭酒又擬禮部侍郎皆不得中 旨會有煩言波及公乃請告疏凡三十上 旨未得俞於是幡然掛冠矣顧先生逡巡坊局十有三年歷右而左又右而後左拾級以望庭署此實吾明大老避嫌并脩卻故而先生處之怡然等功名於遡影橫逆聽之至謂處世可有可無毋爲營塹此有

年澹齋全集

卷之七

二十

契于道者嘗咲指仲君曰吾以効職成母之榮今得竟養食君之賜此足以當三公不與易矣時太宜人尚無恙春明景淑奉板輿之郊外觀山水園林之勝策蹇以從下車而徒必前後扶掖之良朋高會必請命然後赴筵有竒卉時菜必百方歸之持奏坐前會不遺一人語不隱一字常自歎昔爲諸生則肄習居外在仕版則官守羈身山告反面爲時幾何茲喜專侍慈顏視膳寢無逸晷矣不問不對不命不退暇則談說

今昔時一解頤色稍變長跪而請漸溫乃起太  
宐人稍有不安卽嘗藥進糜帶不能解貌爲瘁  
焉旣復常乃復常幼而艾無改也所愛愛之所  
敬敬之三屬之養者送者居且行者施與悉以  
太宐人爲隆殺以是親疏無失所至於存孤如  
張無隅之善後恤寡如五老媪之有終容人如  
乘變取物之不迫解謗如橫璫誣譖之不行皆  
用德不報者常分甘旨之貳遺上林公爲畢婚  
嫁隆棟宇營宅兆以推母愛於贈公知厚款遇

有差至不忍伐一木殘一蟻藹藹視執奎不異  
胞與絕不作僞父面徵孝愛之推也性不好翹  
人過亦不屑爲人隱干以非義者不難直斥之  
鄉人視爲月旦庚戌旣感疾辛亥長子歿焉壬  
子介婦又歿焉甲寅春太宐人亦見背矣公哽  
咽不出聲辰巳欲絕亭午始甦扶病號哭拜起  
如禮水漿三日不入口至小祥孺慕之悲猶昔  
也昧爽躬奉食飲事之如存已而劉宐人以哀  
苦積勞并憂先生病劇遽先朝露先生以太宐



人樞猶在堂乃奉窆人視權厝如園事未及歲而先生逝矣時乙卯九月十四日之午也余以一日過問猶見督家詳密至譟菜根滋味清白久長語及太宜人淚下不輟逝之晨猶思理南裝爲太宜人合曠蓋居恒道太公五世迈葵于周爲不怙本此治命也不移時遂爾易箚嗚呼先生自適楚歸慈及之畱都瀕危者屢矣皆以憶太宜人故而茲竟以痛慕相從九泉也蓋生歿窮達有懷二人至五十而慕而思斯永矣寧澹齋全集卷之七

可不謂之篤孝君子乎昔吳虞翻稱董孝子盡心色養喪致其哀都人謂先生足以當之余獨有感于黃子之傳曰以慈名溪以溪名邑惟是叔達之故倘異日有定論不以先生增重四明乎先生生嘉靖丙寅閏十月十六日享年五十配李繼陸贈封前載矣再繼者卽太宜人弟次字公女劉爲吾慈甲第詳贈公誌子三長爾偃側室王氏出李宜人愛而乳之克順天府庠生娶封給事中養冲呂公女繼工部員外在川周

公女次爾攸李出太宬人謂李有子此乳偃之  
報幼名曰賢順天府庠增廣生娶大名知府巍  
岡羅公女繼庠生懷一陳公女爾條劉出尚幼  
女五長異適不佞長子一琦邑庠生次晉適成  
都知府夢韓張公孫景辰大學生次允適雲南  
布政使文海袁公子弢杰邑庠生次泰次復俱  
幼未字孫女壽偃出亦未字守勤曰古人有言  
長筭詘于短馭豈不悲哉以公之材旣以乘風  
雲之會際日月之光矣展所宏施社稷是庇而  
竟不得爰立之命且今 聖天子特俞禮臣之  
請復啟承華之幃慎簡一時孝德之士俾司輔  
導余以眇聞寡道術濫竽斯選方仰先生爲型  
模而先生不可作矣豈天未欲使贈公之業盡  
究于先生而畱有餘以待後之人俾孝子之下  
復有孝子耶何奪之速也其行誼不及更僕數  
聊爲拊摭其大都以俟秉筆者之採擇焉若曰  
以戚故爲諛墓地則余豈敢



孺人行狀

水部華君吾明醇篤君子也而遇事敏練有執持大司空倚君幹濟諸曹務甚切無何遽以母艱去則走余頓顙手行迷一編泣曰顏不孝摧慘殊痛靡所逃貫唯是先君子垂七十而舉不孝九十三而終母喻孺人稱偕老顧不獲享不孝一日祿養而幸及養生母李孺人癸丑秋不孝且逮選以急欲迎母歸歸踰年始攀輿入邸舍乃未兩晷復奪之矣嗟嗟顏不克蚤奮以娛

寧澹齋全集

卷之七

七

二人又弗獲久侍所生而華翟之或被昊天罔極曷維其已儻微名鉅椽筆銘諸幽石庶藉不朽惟先生爲我圖之以備采擇余習水部君最深奚忍辭按公諱傑別號晴峰先世由無錫徙明州家于定海之施公山數傳有成七處士者無嗣嗣兄子鉦號逸菴是爲公考逸菴以祖居湫隘跳處河東顧不善治生家益落生二子長曰豪次卽公公幼善讀書苦貧甚往往戒膳易膏以繼夜兄豪亦不善治生嫂持家聞公咿唔

聲輒從旁譙讓公雖內自刻勵然敬事兄嫂不  
敢一出口適有公牒考清吏公念矻矻章句將  
如二親朝夕何不若俛就小道慨然赴縣試得  
冠其儕年纔十五耳不藉寸貲母戴至裂布被  
手縫襦褲贈公行抱牘上藩司主者奇公貌試  
文墨更精准入爲椽益曉暢律例踰年進御史  
臺椽隨行按部遇罪狀可矜疑者力爲陳請多  
得昭雪人謂公施德于所不知後必食報云會  
聞逸菴公病劇亟詣公府請假不許請罰而行  
寧澹齋全集 卷之七

又不許公大號泣藩伯怒叱杖公公扳案不放  
案爲移數步藩公益震怒左右惶恐公抗言曰  
爲人不揀父死不可爲人安用爲吏願罰吏爲  
人胡不可伯爲感動勅公歸得與父永訣受治  
命旣服闋奉母戴之屨時艤舟西湖以娛母翁  
有遺產質子錢家者悉如命贖歸然皆推與兄  
豪不以嫂故宿餘憾其孝友類若此嘗爲山東  
撫臺椽值紅羅女亂軍書笏午中丞何公鰲用  
公籌畫靖東土而忌者掩何功至坐罪逮獄公



爲遍投揭白功狀卒得復官聞者莫不賢智公  
滿考入部試中正八品格以冠帶省祭值倭犯  
海上焚掠廬舍公潛募人伏宅傍叢冢中火起  
輒撲滅之以故逸菴公所築河東宅獨無恙公  
復念倭縱慆悍何令肆虐至此盡捐貲募里中  
健兒晝揚旌旗夜燔柴擊銅器爲聲勢倭不敢  
逼施公山多全活旋追奔斬一人生擒二人上  
功幕府例得加爵爲府佐公曰吾有吾職寧受  
賞金勞諸健兒可也比謁選得河南內鄉丞時

寧澹齋全集

卷之七

三

中丞何已遷大司寇預書稱公才行於當路者  
當路信任公如今偶令缺屬署篆公益勵水蘂  
力行惠政以歲歉條上寬征法當路榜示隣邑  
悉如內鄉例仁聲幾遍中州矣居歲餘以勘鉛  
銅中毒氣瘋僵者七日夜良醫莫能治有神巫  
降誥曰此蘆吏胡可不拔吾白之城隍得請於  
帝矣時皆以爲荒唐語翼日一老人持藥屑來  
視疾謂投蘿服汁入口中病可甦少頃公喉間  
汨汨動亟尋老人倏不見再投之立起先是公

寢疾已三月凡三上致仕牒當事審知公良循無他故特憐許之牒下而公竟起又重憐之然勢不可留復命視事兩月邑人念公不能具行李至有捐廬舍遮留者公眷先人丘隴卒垂橐歸歸而喻李二孺人並操作佐公家稍稍充歲時以詩酒自娛賑貧恤孤族多雅化教諸子一稟成槩足跡不入城市間一謁邑令爲陳鄉曲利病令式公隱德欲延置飲賓公曰吾非國老也奈何以一吏辱大典竟謝弗就公致政歸凡寧澹齋全集

卷之七

三七

四十餘年至九十三步履不殊少壯其年九日携榼招賓率子弟登高賦詩周遊田野曰吾從此與世辭矣次日奄然而化無一語及家事不數月喻孺人亦化喻少公六歲其先杭產也當公爲椽時有隣女目挑公公曰德莫敗於亂處女吾方圖功名敢犯造物所惡輒却之又嘗寓親舍親某願以女字公女乘巷遇忽滅火欲昵公公念生平操行豈爲一時情構所毀推女子於地而去未幾有日者推公行藏謂當官八品



因具稱喻女賢宜伉儷遂委禽焉孺人歸而身  
親瀟灑潔治蘋藻上事尊章下順君子一如女  
誠公自椽迄入官鮮內顧孺人之力居多蓋公  
不因冥冥墮節而天以良配佐之非偶然也孺  
人舉二子皆多病迺爲公娶內鄉李女以自副  
李產二子撫之如已出愷煦之象盎溢庭除卒  
與公齊眉壽識者謂二老維德偕行固宜偕生  
偕死不虛耳李孺人性簡質不愛綺飾事公與  
喻孺人極恭謹言笑不輕發力勤織紉佐水部

寧澹齋全集

卷之七

三

君兄弟讀師友過從無不極豐欸顧其督課過  
於嚴君每曰爾視乃翁垂垂白其能久待子成  
名尚泄泄耶及水部君登第毋猶不離紡磚獻  
鮮衣爲壽間一曳卽藏笥中若不忍晴峯公與  
喻孺人之先背而瘖其飶也然而天之報李母  
則不可謂不全矣公所著有古今言行錄若干  
卷尤長於詩在齊有千駟群空荒塚在三歸人  
去霸圖閒之句爲何中丞所賞家居惟以詩自  
適有施山唱和集行世公卒某年月日距生某

年月日享年九十三喻孺人卒某年月日距生  
某年月日享年八十七李孺人卒某年月日距  
生某年月日享年七十五子四長立次位皆喻  
出次彥又次卽顏癸丑進士工部屯田司主事  
皆李出女一適費氏喻出孫男五孫女一曾孫  
六具詳水部君行述中史臣曰晴峯公嘗語水  
部君曩日者謂吾功名不顯獨壽過曆意不犯  
二女所致良然攷公積行索索皆足上契天心  
克昌厥後而出處矯然遠邁夷等非強學有志

宰澹齋全集

卷之七

元

節者能之哉兩安人如兄如弟令德壽豈抑亦  
刑于者素矣今水部君駸駸嚮用流鴻樹駿光  
於史乘揆厥所本安在名不顯也彼日家算數  
及身而已烏知公之貽穀若是哉余不敏無能  
闡潛德思傷孝子之志姑詮次以俟立言君子  
勅封文林郎江西贛縣知縣叔氏覲山府

君行狀

封文林覲山公於勤爲諸父行而年第伯晉父  
也公少先君十歲同講道慈湖伯晉又與余同



丁酉舉兩家友寢善暨先君捐館亦十載公以伯晉顛縣考愛今 封余濫竽橐筆方爲視草而倏奉公諱感傷涕泗莫知所云適伯晉偁來屬余狀何敢辭按公諱文耿字純叔別號觀山余族出華陰隋驃騎後三傳唐工部尚書廣遷浙睦州廣長子實仕吳越左相國始徙慈歷宋元迨 國朝遜傳至公大父質齋公有耆德生二子長午岡櫝次慶山積二公才名相亞午岡既登鄉書爲息今而慶山數竒弗售謝去增生

寧澹齋全集

卷七

三十

以侍養老所舉四丈夫子皆文學世其家伯曰燮仲曰偉叔爲公季曰恢一門孝友雍如也公自幼穎特燥髮即傳古文詞總角遊邑庠試輒高等屢上有司不利適緯川馮先生發明良知之旨於慈湖與先君往從遊聞道獨蚤故爲文根極道與一時名喆咸心折之而尤以夸節懿行自砥勵初娶馮孺人爲侍御東厓公季女承歡聚順維德之行孺人無祿早世公方盛年誼絕再娶念兩尊人俱耄昆弟戮力進取罔侍斯

夕懇求終養一如慶山於質齋公故事時伯晉兄弟青年鵲起公親課讀尊人前以爲娛及兩尊人以壽終而伯晉舉於鄉第亦蜚英有聲無非公教也公藉世業家頗饒後日益落嘗筆耕攜李爲澹蒼沈公玉臺沈君諸公所傾慕然論文譚道外絕不涉聲利事人益重之伯晉既累下第受章貢令官舍獨居特迎公就養公借季往相與訪瀟溪之流風吊東坡之遺跡及採文成緒餘於慶南怡愉雅愛相得甚歡每憮晉退

食勉以清勤鎮靜無愧先民未幾首丘動念扁舟返越不以一錢一縑自携仍塊處容膝吟諷其中興至則窮幽攬勝屐齒幾徧卽景舒嘯恣意所適著有逍遙諸篇薜蘿諸集皆極天然自得之趣晚取無用爲用之義更號一樗散人蓋其所自托也至是伯晉三年績最天子嘉所自出予之封封章甫下偶感微疴溘焉朝露矣憶昔先君受命之日亦先期長逝若同一揆豈不悲哉公天性超曠亦復獨索外若徜徉自適



然事關名節凜乎自持當伯晉兄弟藐孤時保  
覓泮婦於姚江詢知有夫若子立遣歸弗責其  
償後其人以他事逮官語稍相連其人毅然曰  
楊公市義若馮君者何敢累訊者嘆服居恒恪  
守先世醇謹每事不欲上人卽有非意相干循  
牆引避俟其自平人亦終歸水釋邑大夫屢欲  
憲乞逡巡遜讓且謂大父及父皆以期頤謝賓  
飲竟弗赴益公念念事事不忘繼述其姪節懿  
行類若此此足槩公生平矣先是公垂髫遇一

癰仙告以行藏期與後會有白雲縹渺歸洞天  
八九之年此時見等語及歸自贛道經鐵柱宮  
有邀入古剎者卽曩所遇仙也仰視額中詩悉  
如前語回顧其人忽不見公驚異亟歸抵家閱  
兩歲而卒爲萬曆丁巳十二月二十八日距生  
嘉靖甲辰十二月十八日享年七十有四配卽  
馮贈孺人另有志子二長汝昇卽伯晉以贛令  
陞廣東崖州知州娶文學馮公女繼羅江錢公  
女一以贈一以封並稱孺人次女勉邑庠生娶

孝門董女孫男八昇出者台徵邑庠生台胤台  
嗣台光台衡勉出者台兆台允台繩孫女三曾  
孫男女各二婚嫁聘字具行畧中伯晉以戊午  
四月十五日葬公於祖山沈家畧遵遺命也守  
勤曰公嘗謂觀人先源委次交遊而卜以出處  
斯稱完人故拮據王無功顛末補爲全傳係以  
論讚謂其漸染庭闈之教行藏取舍間澹素曠  
達絕類陶若乃迺宦辭名窮居寡與結同心於  
異代聯合調於殊方自稱隱樂不虛也而世多  
罕澹齋全集卷之七

以酒病先生夫先生直淵明之不仕寓意於酒  
耳豈真酒狂者哉公晚年詩酒自娛亦大類陶  
斯言良以自寓也然公又嘗取先方伯行事與  
范文正一一比類而惜其用不大究咨嗟嘆息  
三致意焉則於世又未愬然也有子顯休以竟  
憂樂之志而公其不亡矣余也鄙不能殫述公  
懿行姑就伯晉行畧叅以平日所觀記爲之狀  
以俟秉筆者采擇焉惟名公之所命之

勅封儒林郎翰林院脩撰先考見洲府君



嗚呼痛哉先君之逝也不孝勤方邀一命之榮  
且擬冊封差便馳報膝下而王事未將計  
音倏至殞絕數四竟何及矣自惟存不能養歿  
不與含安用生爲而繫有母在未敢死匍匐歸  
則孤櫬在堂影響俱杳終天之恨曷其有極已  
乃藉先祖詒謀不煩累土僅告襄事塊伏墓左  
圖所以不朽先君而無後也因念先君好脩篤  
行闡翼聖真生平動稟禮法不踰規矩以期紹

寧澹齋全集

卷之七

三

儒先之懿範而弗克撫拾其實乞大人君子一  
言以耀泉壤罪且滋甚然每一榻管寸腸千割  
淚不可收旋就中輟者屢矣居諸奄忽遂踰小  
祥竊恐令名終湮忘親奚贖謹忍痛收淚厓畧  
詮次如左非曰敢爲諛墓云爾先君諱世思字  
汝位初號觀良後更號見洲楊氏出華陰自隋  
驃騎將軍諱恂者三傳至廣仕唐爲右武衛將  
軍封上蔡開國男贈工部尚書上柱國始遷浙  
之陸州廣八子俱爲節度刺史等官長巖仕吳

越至左相國生子實乃遷慈谿歷傳至宋有大  
隱先生名適者仁宗屢徵不起命旌其里入

國朝族屬蕃衍世有潛德至贈驗封石田公諱  
祿績學象善益昌大而光昭之石田公生二子  
長爲柳塘公諱子器登成化丁未進士尹崑山  
高平常熟召入吏部累官河南左布政次爲醫  
訓科柳洲公諱子用柳塘公敷歷中外所至以  
清白著而委家務柳洲公公事毋張極孝事長  
兄惟謹柳洲公亦生二子長曰小洲公諱孫仲

寧澹齋全集

卷之七

三十五

舉嘉靖壬午科爲儀真令清介有伯父風是爲  
先君皇考次諱孫瑞無祿蚤世先祖年四十艱  
子謀置貳焉筮得艮象辭占者曰無庸嫡必有  
子子且賢越數歲祖母葛果舉先君以故命名  
及字咸取諸艮云先君生而瘠祖父母甚憂之  
然神骨竦峻膚理清絕識者知非凡兒年三歲  
隨任真州比先祖掛冠歸甫七齡即能應對賓  
客無失容出就外傳聲朗朗出金石進止居處  
各有常度初屬文輒援筆立就觀察養虛馮公



一器重遂爲忘年交歲壬寅先祖復側舉叔氏  
世愚將嗣叔祖考先君友愛真切不啻同母弟  
先祖偕中都守覺齋劉公吏部開山陳公刑部  
龍臯葉公中丞楓岡徐公爲耆英社必挈與俱  
諸公皆肅然禮貌之中丞嶼湖秦公因字爲孫  
壻已酉外大父震湖秦公方以任子錄事詹事  
府廼往行親迎禮庚戌還自京一以蘋藻中饋  
絲麻委積事任家慈而身下帷發憤益專精舉  
子業歷師虛溪姚先生鄧溪劉先生養素張先

生皆一時名儒無不悉其淵源故爲文必涵濡  
理趣步驟先輩不作綺麗語尚鞏脫者稍或絀  
焉丙辰倭突至舉邑駭走先祖獨潛匿苟舍出  
入烈焰中不肯避先君親扶祖母携庶弟及諸  
甥屬輩葺山谷間路失弟甥所在舉家號哭不  
止詰旦冒險出訪先祖知無恙復遍覓弟甥挾  
以歸及倭定邑將城城所營度適當祖遺田若  
于畝當事者議撥鄉田或令墾湖田補之先祖

試問曰汝意奚若先君進曰夫築城以捍衛民

民安田何惜矧鄉田各有分土墾湖力更倍且  
滋擾請勿受先祖欣然曰正合吾意竟辭去方  
避倭時家中服物器用貯別業爲僞倭所劫後  
稍稍跡露或有首者先祖與先君謀卒不問先  
祖積木若干章將爲叔祖置宅遭隣火延燒里  
人願得十金可抹先君曰木易得耳儻傷人將  
柰何遂勿抹歲戊午督學松坡畢公拔入泮已  
未先祖捐館舍哀毀骨立殯塋一如禮是時家  
漸落而祖母老善病乃早夜備肉食視藥餌而

寧澹齋全集

卷之七

三七

以讀禮之暇受徒課業及門者歲不下數十人  
貧者修脯謝不受緯川馮先生倡會慈湖發揮  
文元不起意與文成致知之旨迺從遊歸而  
澄心默證凝然有得龍溪王先生來自越復與  
往來質問二先生僉謂薦信力行無如楊汝位  
氏蓋至是雖受徒如初而已支離註脚若將不  
爲沾沾經生之學矣歲己巳祖母棄世飲泣孺  
慕殯塋以禮悉猶喪先祖時而棲遲墓下匝歲  
忘歸胃疾實於是始然從此節飲食屏嗜慾一



切聲色玩好技藝之類澹如也外叔祖後湖秦公叅臬閩藩以書招之謝不往諸舅父素豐於貲未嘗妄有稱貸人或以窮愁詢之者若罔聞知適冲宇顏先生歸自楚復敦慈湖之會遂師事之先生相與闡明學脉一言一行必相考正凡二十載中經督學晉川劉公倣庸林公皆拔置優列而竟絕意功名謝去青衿安貧談道尤喜開發後進隨叩必竭至忘寢食顏先生歿而諸同志推爲主盟戶外之履常滿丙申春胃疾寧澹齋全集

卷之七

三

大劇幾不起俄而夢儒先授以止至善之義霍然病已丁酉不孝勤幸舉于鄉因命之曰汝藉祖宗之慶有今日當思所以立身行己者無徒以榮進爲事吾素甘澹泊決不以溫飽累汝但使吾得度越城一謁文成公及與海內同志互相印可吾願足矣乃刪輯慈湖遺書名曰節抄手錄太極西銘定性書識仁篇曰此宋儒四篇大文字也又摘陽明詩數十章及前後名公語錄彙爲一帙置之左右朗誦閒吟充然自適甲

辰秋以不孝勤迎養北上遂與越人士大會於  
文成祠再會於天真書院至京偕中州江右閩  
浙諸公會於邸越明年丘隴之念忽動決意南  
還不孝勤百計留之不得以七月望解維潞河  
暮秋入浙復爲天真於越之會抵家而宗戚故  
老及同志者大半凋落歔歔不已丙午春以

覃恩例封儒林郎翰林院修撰不孝勤親齋

勅命併奉家慈以歸冀圖舞斑稱慶而胃疾倏  
作溘焉長往矣嗚呼痛哉卒之日猶正襟端坐

寧澹齋全集

卷之七

三九

作蠅頭楷對賓客如平時偶胷前隱隱痛不可

忍遂一厥不返時家兄守書適之武林惟三孫

在側呼曰吾將逝矣傳示二子必厝我祖塋之

內此汝曾王父所留以遺我且吾不欲頃刻離

二親也餘無一語及他事先君天性孝友持身

介直嘗謂君子有終身之喪忌日之謂也值祖

父母諱辰必先期夙戒質明行事祭畢出手澤

示子姓涕泗沾襟下浹日不齒見祖母家故零

落歲時分饗發餼之爲舅氏及諸中表具棺槨



者前後而七屆清明必親拜掃各墓下後并遷其香火奉於家至今不絕人以爲渭陽之感弗是篤矣與叔氏析七箸遵先祖治命今嗣叔祖考而悉付以曾大父所貽業叔氏以前城基請則割先祖所增置薄田補之已復以地宅以山庄及什物請仍量與均分不拂其意叔氏逝而撫其二孤長曰守訓親爲課督率輩黌校次曰守議量才授以一業及二子相繼夭折而孀氏余弟婦曹榮榮相倚艱苦萬狀節序燕享每爲

罷食姑氏二一適湯更兵燹寇盜之後轉展衰微至或不能舉火輒隨多寡繼庚癸歲以爲常一適孫其初家頗饒而後窘于喪葬婚嫁之費至損家慈服飾助焉兩家者俱嘗貸馮觀察金俱代之償無少愆迨孫氏絕則爲立後而湯亦僅畱綫緒爲納婦以延其嗣瓜葛之變輻湊紛集中抱隱痛良有以也先君生應艮止之兆後感止善之夢其學亦以止爲宗而合楊王二先生之旨歸之一止其言曰至善者卽天命之性

而人心之本體也一而爲一環而爲極上下四  
旁循環無端而不離這箇不落聲臭不著方所  
爲中萬感萬應殊塗千慮而隨時省察以求卽  
乎是是謂思不出位是之謂止是卽所謂不起  
意所謂致良知孔之一貫虞之精一執中文之  
止仁止敬止慈止孝止信胥是物也又曰良知  
卽天命之性慈湖所指爲自神自聖者也致者  
不起意也不起意則動以天不鑿以人是爲致  
亦謂之率性亦謂之止至善止者常寂不動也

常感常寂而不起意是謂止至善唐虞允執厥  
中者此也中者不落方所起意焉則落方所非  
中矣非至善矣故致良知者不起意之宗旨不  
起意者止至善之宗旨止至善者執中之宗旨  
名言之不同而實一也又言中若天平然上者  
天心中者人心人心符天心則中矣止矣精者  
不毫髮爽者也常不爽毫髮則一矣精一則性  
常存性常存故能由仁義行由仁義行者自然  
而然故至誠無息行仁義則勉然勉然者未免



起意豈能久而不變哉故學問有生熟而工夫無兩般其說如是故平居逐念逐事體認精密必求止乎心之所安處貧不求臨事不惑遇侮不校非法言不言非法服不服繩趨尺步絕無急遽輕率狀當少壯時諸子百家之書無所不讀後悉屏去惟取聖賢經傳翼以名儒語錄摘其言之致一者標題註釋或以己意附數語發揮之不欲別爲一家言尤絕口不談二氏之學人或以三教異同問者曰吾但明性命之理踐身心之實而道固已該矣安事牽合附會爲嘗謂古人以三日不櫛沐爲終身大罪雖盛夏未嘗岸幘露體非甚疾病隆冬未嘗拒客燕居暱處亦終日危坐老而益恭待親友隆殺厚薄各以其情問疾弔喪不遺微賤與人宴飲雖極驩洽不至亂嘗中夜歸見守者寒輒勞之或與之食及至墓望而灑泣者甚衆所著有四書訓錄對會錄藏於家其遺書節抄則邑大夫石乳潘公業已刊行之矣李萬曆丙午歲五月十一日

距生嘉靖癸巳歲四月十七日得年七十四配  
秦安人中丞公長子淮府長史震湖公女子二  
長守書郡庠生娶學博芸窻葉公孫女繼娶鄞  
城鴛洲顏君女次卽不孝守勤娶別駕蒙齋嚴  
公孫女孫男八一璉郡庠生娶鄞城養徵謝君  
女繼娶舜南章公女一珩聘庠生亦明李君女  
一琳未聘俱守書出一琦邑庠生娶左庶子源  
明馮公女繼娶姚江中丞蒙泉孫公會孫女一  
琛娶毘陵舉人崑崙巢公女一瑜娶刑部主事

寧澹齋全集

卷之七

四三

漢醇馮公女一璐聘太僕丞鎮亭趙公女一琪  
聘光祿寺少卿行素劉公女孫女三一 字刑部  
主事曙海張公子能恭邑庠生一字舉人邵越  
袁君子弘諫郡庠生一字山陰朱文懿公會孫  
會旦俱守勤出曾孫男三德基一璉出德隆一  
琦出德隅一琛出祖塋去邑東北七里許名曰  
鳳山之原不孝兄弟旣以丙午十一月初六日  
循命祔葬而以是丐名世作者之採擇言之不  
文情寔可憫倘蒙哀而賜之九鼎誌傳表碣惟



所命之則先君雖死之日猶生之年其自不孝而下世世啣結無已時也謹述

勅封安人先妣秦氏行述

嗚呼不孝罪臯深重禍延先嚴日月不淹勉抑從吉庶幾長奉母慈以永有依恃已酉冬孟上疏陳情幸得 予告終養而甫及匝歲吾母復從先君九京矣痛惟連屯朋蹇子焉鮮民胡以自存因念吾母生長舊家食貧寒舍莊儉勞瘁不可殫述而忍使湮沒無聞安用子爲所願據

拾大凡以干名世君子倘憐而惠之一言則泉石輝矚歿且不朽不孝輩亦藉以逭罪萬一云爾母姓秦氏大中丞嶼湖公之孫而淮傳震湖公長女湯空人所自出也母生而端凝自幼寡言笑絕玩弄中丞公謂淮傳公曰是女必當享厚福適先君隨王父侍薦紳諸長者中丞見而禮貌之因通蹇修委禽焉淮傳公在詹事府母隨至邸奉湯宜人最謹頃刻不違左右歲庚戌先君逆自京宗戚咸意貴家女必驕倨不習中

饋事母至則事上接下動中內則一切糞洒五  
飯蘋藻修脯之類罔不潔治人始知姆訓所素  
閑也初乳舉兄守耕數歲殤丙辰邑走倭兄守  
書方在妊母左手掖王母右携甥女避山谷間  
是秋八月朔訶言倭復至兄離姬纔五日母一  
手掖王母一提抱走復如初先是來歸之歲湯  
宜人殞于京母以弗克侍湯藥與哭泣隱痛不  
已且恐傷王父母意每節序涕泗暗集侍女輩  
至不敢竊視及戊午冬仲淮傅公驟捐館母匍  
匐歸哀毀彌篤未及虞而不孝生母含淚恐痛  
推燥就溼備極苦楚視蓼莪詩人所稱鞠育劬  
勞抑又甚矣詎意不越歲王父暴染瘋瘵不語  
者兩浹旬先君醫禱百方竟弗起痛隕者屢母  
從中調護黽勉拮据共襄大事門內之政井如  
也先君雅不能治生人產旣丁倭難載懼大故  
重以王母善病不忍離僅受徒効筆舌耕而母  
朝夕調衣飲視食息務貽王母安俾先君無內  
顧如是者凡十載甲子夏復舉亾弟守儉前後



舉不孝兄弟皆親乳哺未嘗一置保姆分婉數  
日內卽起坐理襁褓亦未嘗一委手侍兒輩迨  
王母卒益殫力佐襄事而家愈匱卽侍兒亦屏  
去至滌滌紡紆之務無不身任之爲不孝輩具  
衣履刻期就緒性畏熱每迎風坐南牖下終日  
不輟或至夜分一面課不孝輩讀而痰嗽之症  
則已胚胎於此矣閱壬午守儉年十九成長殤  
母痛悼不已而不孝輩棘薪無成無能承驢膝  
下餬口四方什九在外母督率子婦先暑戒葛

先寒戒絮飭書郵遺遊子者無後時亦無虛歲  
不孝輩春而出及冬而歸見母容色無恙痰嗽  
轉甚勸母節勞服藥母曰吾性不喜閒又不耐  
飼藥無以爲也不孝旣舉于鄉母曰吾秦氏固  
少壽種父母二弟或不滿四十或不踰五十而  
吾幸有年天實以貧苦我今汝雖發科然自此  
費益漸廣非愈加剋勵何以支攻苦率先復如  
故甲辰就養北上偶道服青州白丸痰嗽少間  
至京遂不甚發母曰吾幼習京師豈於水土匱

宜以是先君歸自乙巳秋而母留邸舍丙午入  
春體稍稍倦醫家謂脈有歇候此服青州九燥  
烈所致且北地苦寒多向火不便調攝必歸東  
南受融和之氣庶延壽命不孝亟求 冊差并  
載 封典馳而南冀稱雙壽觴夫何舟至濟寧  
先君計至母驚慟不自持不孝痛念二人生平  
未嘗有經年之別今幸藉養育恩得寸進而致  
使垂白父母頓成契濶恨不蚤圖家慶同父南  
還母亦用是追悔長途鬱鬱不樂比抵舍幾慟

絕勉救不孝輩治喪塋無使失禮既竣事則率  
先子婦及孫婦攻苦亦如故戊申服闋卽勉不  
孝使戒行已酉夏忽中風厥復甦母素不受參  
餌醫家亦謂痰盛不宜參至是竟以參效因促  
不孝曰汝荷 朝廷殊遇不得自便况吾病已  
愈汝兄善調理其亟之官以怡我老景勸諭諄  
篤不孝不得已奉命至吳門而夢寐驚悸亟疏  
告歸母亦遽然喜暨庚戌夏症再發再旋愈

秋仲又再發又旋愈而天罪諸孤條焉降割遂



於臘月十八日奄忽逝矣不孝晨起問安尚鬪  
然甘寢及寤進茶湯視少徐氣出不復入急呼  
之不能應投以蘇合牛黃等物俱不受須臾目  
遂瞑嗚呼痛哉母天性朴素鮮潔之服非歲時  
吉慶不輕御體食取疏糲適可不求甘脆不靳  
充飫嘉蔬時果必以薦廟隨分遺至戚或留以  
待客未嘗一入口時時具旨蓄禦窮不忍暴殄  
一物先君好譚道居怕戶屢嘗滿與客暢析疑  
義移日竟夜母躬爲點茶供具垂老不倦或甚

寧澹齋全集

卷之七

四

之老人何復以此自疲母曰彼所交爲性命來  
非尋常應接也吾安敢漫承之故先君一生矻  
矻求友實藉內有良佐云遇祭祀先期夙戒次  
日寅起理筭飾卽親視豆具或請以授能者曰  
吾見切肉不方正蔬茹不豐潔不能入目非好  
勞也及至祭歛容穆拜見有跛躄不敬者至形  
於色祭畢偕諸婦享腍餘歷數王母而上某如  
何孝謹某如何勤儉無一語他及居恒與娣姒  
諸婦宴集手不廢絲枲笑不齒見有洩冷媠媠

者介於側輒拂衣引去娣姒而下咸肅然敬憚  
之長姑適湯者爲湯宦人親弟婦母於秦稱甥  
於楊同行終身不竝坐丙辰之變奩具寄外家  
者悉付諸燼又解遺橐助湯女嫁後再貸孫姑  
女簪珥不及償亦不問繼湯宦人而母者爲呂  
宦人少母二歲事之如親母女弟適表儀部者  
出自呂友愛若同乳弟外叔參藩公及王恭人  
視母若女母亦視之若已父母雖貧窶終身無  
疎節聯屬兄弟無間言李之前十日爲不孝墮

寧澹齋全集

卷之七

四九

地辰母問今日有客否不孝對曰有客爲誰曰  
秦宅諸中表母喜起攝衣延見諸子姪輩畢命  
就外坐呼諸孫次第來侍食母素不沾滴酒是  
日引滿飲一盃連進肉食數四已復俟諸子姪  
別乃就寢自是坐起飲食日以爲常不孝方私  
心竊自喜以爲胃氣且漸開體漸健而旬日之  
後忽成大夢嚮者諸表之會若預作永別狀豈  
不痛哉母以 皇太后覃恩封安人率萬曆庚

戌十二月十八日距生嘉靖壬辰二月二十八



日享年七十九子姓姻族具載先君行畧中不  
孝輩以辛亥二月初二日奉襯啟先君壙合塋  
蓋兩踰年于茲矣風木含悲栝捲飲痛而未有  
片言銘諸墓是用搵淚具狀五內摧裂語鮮倫  
次惟名公勿吝如椽俾勒之貞石將逝者若起  
于九泉而生者啣結于百世不孝輩不勝殞絕  
聽命之至

傳

邑侯策齋劉公名宦傳

寧澹齋全集

卷之七

五十一

史勤氏曰夫治太柔必廢太剛則折惟體道君  
子學契真宗性克交濟用能以道化民所至翔  
洽彼夫生有榮號歿有奉祀微直廩廩德讓遺  
風也 國朝自文成夫子以道學樹勛猷致良  
知之旨與慈湖不起意寔相發而其傳盛于江  
右一時吉州高弟若南野歐陽先生劈泉王先  
生中洲郭先生洞山尹先生文章政事爛然史  
冊其餘嚮風起者背相望也策齋劉公初尹慈  
寬而斷威而不猛吏畏民威號稱上理而表章

慈湖之學功特偉焉迨立朝抗直居鄉表正庶  
幾蹈道終始者公嘗書邑齋云秀翰終成棟精  
鋼不作鈎似乎刻意尚巖然慈民愛慕彌久彌  
篤抑何惠也夷考其學問淵源所自寔出數先  
生之門有以夫作策齋名宦傳 公諱逢愷字  
虞讓吉泰和人劉出長沙定王後歷宋至 國  
朝代有文人高祖彥桓曾祖昇祖注皆以篤行  
稱父坦溪公端祥以公貴贈光祿丞公生而奇  
穎四歲入家廟能舉祝辭稍長博記誦善屬文

寧澹齋全集

卷之七

五

始受業劈泉先生聞性道大方遂駸駸嚮往旣  
補博士弟子員試輒壓卷甲午舉鄉薦乙未不  
第歸與中洲先生闡發陽明宗旨先生許以一  
日千里願加策勵故號策齋戊戌復不第聞南  
野先生司南雍特往稟業先生之教以致良知  
爲主而於義利危微之辨開示特切公銳然刻  
厲必欲身體而力踐之辛丑成進士爲洞山先  
生門人因師事焉癸卯授知慈谿縣公律身嚴  
字下慈泄法明聽事斷興利剔蠹惟日不給初



視篆訟者磨集庭下公立詰無情者斥遣之當  
聽理者剖決無留邑詫爲神明一夕夢童子以  
冤訴旦坐堂皇發謀殺子者奸立抵所私罪是  
夕復夢童子來謝事聞部使者一切疑獄及鄰  
郡邑事輒付公聲稱遍浙東矣邑故無山稅獨  
貢茶每閉局採辦諸科歛無藝吏夤緣飽所欲  
民甚苦焉公定爲令除正貢外銖兩無羨取至  
今賴之諸邑欲均山稅於慈公卽以茶稅折之  
議遂寢自役法散胥吏多受富人資或閤門不

入公府而貧者斃奔命乃按籍較丁糧酌輕重  
而均節之胥吏無所牟其利然心知公不私一  
人不入勺水故上下無怨言值歲瘵多方拯援  
不啻由已又做范文正之意濬渠築堰增卑培  
薄民藉以得食生活甚衆而旱潦有資遂成永  
賴慈湖祠在湖水之陽宋咸淳間改爲書院置  
山長學員以典祀教更元不毀 明興葺山長  
歸徒邑庠祠遂廢公慨然咨嗟謂倡率道教乎  
式多士事無大此亟請于當道修復之蓋自世

儒疑慈湖爲禪其學幾晦公取其語錄合于所  
聞南野先生及陽明傳習錄時進諸生反覆講  
論俾知尋向方今宇內咸知文元文成之業同  
出一脈公寔先之矣歲丙午有事淞閩所拔皆  
名雋錄文多出其手識者謂有道之言固宐有  
大過人者比入覲士大夫爲百里高聲集贈之  
父老或携土宐送悉不受上計居晁考道聞內  
艱歸至稱貸而後襄事其清約如此庚戌春復  
除廬江數月邑大治語在廬江碑記中晉擢都

水主事值虜寇後繕城修備繁役竝與公承檄  
督治工用告集尋以外艱去再起爲武選主事  
未幾改光祿承是時 肅皇方事祠禱費數倍

平時閭豎乘而索取莫可稽覈 肅皇劄下內

閣詰供應不支狀寺長貳惶怖莫知所對公毅  
然倡議謂宐請自今每月查刷費格具報章以  
聞衆屬公草疏援筆立就委悉剴切 上爲之

霽威一切如公議歲所省冗濫無筭三載奏績  
制敕特加優獎向用甚殷而分宐子銜公不



徇已嫉當事陰抑之又三載量移尚寶卿分宜  
敗人率訟公淹特擢南太僕少卿而忌者復議  
爲驟竟中飛語免公方爲滁之遊聞報自若歸  
經廬江士民追送攀泣如初去廬江時公抵家  
則故宅已燬廼置一室城外深居自得蕭如也  
日聯鄉族長老勉以力田孝弟至事關一邑殲  
盜布利則殫力不憚尤喜獎拔後進規人過失  
與中丞魯魯原公競以學問相劘切褻所云身  
體力踐者殆老而不懈卒年五十八子澗生于

慈登丁卯鄉試兩上公車不售服公操練此心  
之訓高尚不仕孫璞以文學有聲澤未艾先是  
慈以名宦俎豆學宮者唐房公瑄更邑締制與  
慈終始尚已宋則張穎綦清與堂俱名林豹孔  
武殲逆若腐逮入 聖朝決獄如神囹圄生春  
則有龍公伯平量興市利永垂世則有賈公奭  
新學校藝譽髦斯士則有胡公瓊甘露應禱反  
風滅燭則有葉公諫最後則薛公應旂改徙茶  
局繁費是節蹶起人文寔登群喆斯皆表表當

時足垂不朽者然僅僅八人止耳蓋其慎也記  
者謂公清畏人知柔惠且直士有淳風庭無冤  
獄殆兼諸君子之長而有功慈湖羽翼聖真尤  
宜百世祀者迺鄉邑有祠廬江有祠慈獨缺焉  
所稱讐德報功其謂之何用是愴于厥心萬民  
不若至是請於學使者赤石陳公陳公署其批  
曰文章爲一時山斗政事負當代經綸宜從輿  
論以光明德蓋距公六十餘載而有是典稱異  
數云釋奠之日薦紳及弟子員無問識不識肅  
寧澹齋全集

卷之七

五五

然秉德父老及見公者咸舉手加額庶民環橋  
門而觀禮者如市孟子曰善政不如善教之得  
民深也詩曰無射于人斯吁若公者足當之矣  
贊曰河潤九里公潤無已澤斬五世公澤靡既  
曷克臻此體道罔愧肇祀自今永憲來禩

南崖老人翁傳

老人翁姓陳諱世恭南崖其別號也陳世居烏  
傷之龍祈里以尚氣強有力亢其宗翁獨恬澹  
孝友好施不倦於人無競距生成化某年中秋



日卒萬曆癸未歲享年百有八先是娶守黃公  
倬丞李公燾常延之上賓聞其狀部使者蕭公  
廩具題 賜冠帶歲給米帛贈之聯云壽域天  
開眼見六朝盛事老人星見躬逢百歲中秋又  
云福祿壽具慶一身東海蟠桃正熟父子孫同  
居五世燕山丹桂聯芳蓋公之子爲九十六歲  
吉庵廸孝事老人處族黨以醇謹聞亦爲邑大  
賓而孫見洲公文亨授散官抗直不屈拂衣歸  
來壽踰稀齡手不釋卷以一經課子爲今儲封

心夔公大章蚤歲卽蜚英譽序燁燁有聲故預  
以聯芳期之語載金華府志中後十餘年毘陵  
周公士英尹茲邑復輯其志加詳焉比甲辰而  
心夔子于京字當世遂用毛詩舉進士老人餘  
慶方新未艾蕭公聯若符券云楊子曰嘗觀太  
古多上壽微獨氣化蓋必繇純德焉輒近自尋  
傾覆輒謂仁不必壽天道或爽其然哉其然哉  
然考之載述稱百歲人者代亦不乏若張蒼無  
齒而飲乳竟越期頤竇公失明而鼓琴爰益性

命寥氏餌丹汁井而老壽世其家甘谷服藥漱  
泉而長生數十姓皆有藉助非偶而已也迺南  
崖翁好行其德而身享大年施於孫子豈俟伏  
氣吸瀝爲哉昔龍祈鄉舊有大溪巖石盤結數  
里諺云白石粼粼難出貴人老人歿未幾而龍  
沙飛護石隱不見遂顯當世將壽家壽國並垂  
不朽於是乎在厚德食報詎虛語耶假令老人  
而在雖爲之饋醕所忻慕焉

醇懿先生虛溪姚公詠

寧澹齋全集

卷之七

五七

醇懿先生不肖勤先君之師也先君講德論  
道必稱引先生以爲六經之擯詔孔顏之宗  
臣蓋余從總州就塾時已悚聞之比長獲交  
先生之孫汝行氏因遍讀先生藏書仰窺先  
生之學術行誼躍然興起人代杳睽心印若  
揭矧服義下風親承音旨者乎嗟乎西河之  
風不墜匡鼎之說嗣興茲以詩名海內徵先  
先誰爲嚆矢當先生之沒也及門結推梁之

慕鄉曲奮惇史之筆旣遠取江都近取河汾



上謚曰醇懿信矣夫古者讀諫而定謚余乃  
徵謚以命諫雖文漸四句之疎而澤沾五世  
之近薦德有經叙哀維義云爾其詞曰

赫赫巍宗派衍帝潢精一廷授氏以德彰陳胡  
流喬奕世阜昌上相匡唐上將翊宋門閥蟬連  
牒不勝頌五馬南來在越之涖數傳徒慈聖童  
崛起徵君名諫接跡濟美嘉祥盎勃乃出英儒  
函三苞六與天爲徒口代津梁躬秉楷模麟不  
受紱鳳不羈斂賢運半千適應斯符應符維何

寧澹齋全集

卷之七

五

生感異夢目識之無弱寧好弄瓠葉戲陳棣儀  
凝重典墳棟架羣籍充棟若餌菖陽諷輒成誦  
乃披逢掖乃摛文章執耳登壇萬夫之望維時  
鴻葉蔚敷宗良司馬人鑿史公雁行攀安提萬  
詎足概量子舍久依偃室絕趾或以聘來敦亦  
不起弄鳥舞班惟求色喜蘭垓之慕垂白未已  
高言四始屑水纒絲扶風絳帳伊洛臯比竊其  
餘緒鼓吹明時匪鴻之力彼翼安施旣脫言筮  
旣捐名畛尋微致遠畢力抗引以觀朱陸何必

矛盾鞭影斷輪悟機獨敏冲夷宥密絕學是準  
聞者嚮風避席摠衣操銳抉翳虛往實歸道鐸  
載鳴迄於古稀前有文元後有醇懿宗門意脉  
其揆一契桃蹊不言谷馨唯蕙累德難名儀岳  
雪涕嗚呼哀哉世儒曉曉纒行無家緒分而閭  
教外而譁肅肅先生醇粹無瑕孤往獨復韜精  
儻萃昭揭正經屏塞回邪景茲三立壹惠以志  
庶見曠典表閭崇祀淑艾匪遙吾黨之事嗚呼  
哀哉



